

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Ain clare verstantnus in tütsch**

**Reuchlin, Johannes**

**[Tübingen], 1512**

[Text]

[urn:nbn:de:bsz:31-271683](https://nbn-resolving.org/urn:nbn:de:bsz:31-271683)

**S** Ich hat begeben im dem monat october des andern iars  
hie vor verschinen das ich Johannes Benschlin in welt/  
lichen rechten doctor / vff gebott kayserlicher maiestat vñ  
dar zü vffsunderm beuelch meins gnedigsten herrn von  
Nentz vff ain frag. Nentlich, ob den iudē alle ire bücher vff genömen  
die bibel zü nemmen vnd ab zehün göttlich löblich vnd dem hailigen  
cristglauben nützlich sy vnd zü merung gotts dienst vñ güttē künen  
mög mit gätzer gehorsame als ain doctor im weltlichē rechtē myn  
rat vergriffen / den selben mynem gnedigsten herrn von Nentz ver  
schlossen wol versorgt vnd by geschwornem botten getrüwlich in  
rats weise zü gesant vnd behendigt hab da mit sein grad die R. N.  
myns gutbedunckens fürderlich berichten möcht laut vnd umhülle  
syner commission. Aber söllichē mynen ratschlag hat ain getauffter  
ind genant Pfefferkorn im sein eigen handt vnd gewalt gebracht /  
vnd den selben kayserlichen rat mütwilliglich eroffnet das doch im  
gemainen rechten by heitken verbotē ist dar zü durch ain getrucktes  
schmachbüchlin anders dann es sich im warhait erfunden hat dar  
geben verkünd vñ vffgelegt mir zü schanden vñ zü laster wider got  
eere vnd recht als das notorie offentlich ist vñ am tag ligt dar durch  
ich genottrenge bin wordē den ratschlag so von dem verretter geoff  
net wordem ist im myner entschuldigung auch offentlich herfür zü  
ziehen da mit ain ieder mit dem finger daruff künd vnd mög deuten  
vnd greiffen wie felschlich er mich versagt vnd auch wie dick vñ vil  
er mir im synē vffschreiben vnrecht gethon hat. So aber allenfürst  
lichen reten wissend kund vnd offenbar auch in gemainen rechten ge  
gründt ist das ain frümer biderbman im ains loblichen fürsten rath  
fry mag reden das er sunst am offen marckt vnder der gemaind vn  
gern ließ für seinen mund künen. c. fundamēta § decet nanq; de elect.  
li. vi. Vnd ich dann das so allain mynē gnedigsten herrn von Nentz  
als dem verstandigen vñ hochgelerten im rats wyß verschlossen  
zü geschickt wordē ist zü rechter not vnd rettung myner eern im der  
nächsten frantzfurter mess dar nach vnuerzogenlich hab müßem  
dar legen. Die weil dan der rat vor mals hochuerstandigen vnd hoch  
geachten herren gemacht / zezund von not wegen vnder die gemaind  
solt künen. So hab ich von der klainmütigen menschen wegen ain

erleerung mynes willens vñ mainüg allain von kürze wegen der zeit  
in latin hin zü gesetzt vñ die stuck puncten vñnd articel darab ain  
schlechter gemainsman der nit das erst mit dem mitteln vñ letzten zü  
sainengesogen gleich verstande het im selbs ergernus nemen m. d. h.  
von mir sellbs frywilliglich wie man in der schül thüt wider so ch. e.  
allweg mit sunderm beschaid / daruf ain erber vñnachgriffig man  
solt ab nemen / das ich an kainen orten anders glaub noch glauben  
will / dann was der hailigen cristenlichen kirchen glaub vñd sagung  
ist. Als ich mich des dan zü mal offentlich bezeigt hab / vñd noch be-  
zeug. Vñ m. d. h. aber syn das etlich deren gefunden wurden / so nit  
latin verstou noch lesen künden. Denē damit nit gnüg geschēhē were  
sunder die noch nit von dē latin vñderrichte / ab etliche redē vñ wortē  
im mynem ratschlag zü tütisch begriffen / gesetzt vñ getruckt / etwas  
schūhen vñd ergernus nemen / vñnd myner person halb befremdung  
empfaben wolten / alls ob ich den iuden genügter vñd günstiger syn  
wolte / dann den cristen / mit ganzem lust vñd begird die iuden zü erhe-  
ben / vñnd die cristen zü verachten / die iuden zü beschirmen vñd die cri-  
sten abzürreiben / vñnd die geschrifften anders vñ selegen / dan an im  
selbs sy. Wo nun dem also im der warhait were / so müsst es mir das  
gröste laid syn das ich ye erlitten hette. Dann nit allain ich vñgerim  
wolte mynen nechsten ergern noch vsach zü ergernus geben / sunder  
auch das thūnt so an im selbs recht were. Vñ so aber die vñvolkūnen  
vñ die klainmütigen ergernus nennen m. d. h. so des rechten noch  
nit wol berichte warē / vñd ich gedenck der h. s. r. vñd schwern trow  
wort vnser herren gottes Jesu christi vñnd des müllstains am halß  
Mar. i. Dar vor behüt mich der almechtig gott / dan wellich schād  
were clain zü achten gegen dem ewigen schaden darüb zeiden. Des  
bin ich cristenlich bewegt worden / vñd hab mir fürgenōmen frywil-  
liglich vñd on bezwingen allain vñd der liebe gottes / myn selbs vñ  
myns nechsten willen / die selbigen wolten vñderrichten des rechten /  
darüb dz sie sich fürhūnt darab bessern / mit demütiger flyssiger bit vñ  
begere. Zum ersten das mich nieman anders achten vñd halten wolte  
dan für ainem cristenlichen man / vñd der cristenlichen kirchen gehor-  
sams künde / wie man auch zü end myns tütischē ratschlags offentlich  
erfunden hat / das ich myne schrifften vñd mainüngen den g. i. f. i. chen  
hōuptern vñd der cristenlichen kirchen vñderrorffen / vñnd mich be-

zeugt hab mit anders wollen geschribē haben/dān das durch die hal  
lig cristlich kirch zū gelassen wirt/des gleichen findt man auch inn  
der latinische disputacion ann seine leetē. Nun welcher das thut der  
setze synen glauben im den glauben der cristlichen kirchē vnd mag  
anders nie dann für ainen gütten cristen gehalten werden/also sagen  
die gaisliche rechte dar von. Zum andern das nieman dar für haben  
wölle das mein gemiet/will noch für sag/ye sei gewesen für die iudē/  
so sie vnrecht thien oder nit recht haben/vñ wider die cristen zū ras  
ten oder zū schreiben/dann by mynen höchsten eern vnd aiden so hat  
nie kein iud mit mir dar von geredt noch redē lassen/weder vor dem  
ratschlag noch darnach/mir hat auch nieman darūb gedancet/we  
der mit Worten noch mit wercken/weder cristen noch iudē. So hon  
ich kein by wonung mit inen/dan es halt sich kein iud inn alle myns  
gnedigen fürsten vnd herrn von Wirtenberg lannden oder gebieten/  
alda ich dann myn haimwesen hab. So mag ich sagen wie sanct Hi  
eronymus schreibē in apologia super schedulis ad Panmachium et  
Oceanū. Ist es zimlich das man menschen soll hassen vnd verwerf  
fen/so trag ich grossen hass zū der beschnydung/wie wol ich die iu  
disch sprach lieb hab/darim gott vnd die engel mit den menschen ge  
redt haben/des gleichen vnser herr Jesus sein werde miter/die apo  
stel vñ die hailigen. Es hat sich aber der fürgehalten frag vnd dem  
rechten nach begeben das ich im etlichen büchern für die iudē vn  
sern glauben on nachtailig/auch irem glauben nit fürstendig/vñ in  
etlichen büchern wider sie hab müssen schreiben/vnd nit zulassen das  
all ire bücher on die bibel in on sunder schuld oder rechlich vrsach ge  
nōmē vñ verbrēt würdē. Des halb so hon ich vff die ob gemelte frag  
zum aller ersten im yngang mynes urtails ain genaine regel/grunde  
festin/verfertigung/beschaid vnd beschliesslich abred gemacht gege  
ben vnd vff gesprochen von allen vnd yeglichen büchern/sie syen ge  
nant oder gehaissen wie sie wölleu groß oder clain/nichz vffgenom  
man mit disen Worten. By welchem iudē wissenlich gefunden wirt  
ain sollich büch das mit vffgetruckten Worten schlechts vnd stracks  
zū schmach/schand vnd vneere vnserm herrn gott Jesu/syner wer  
den miter/den hailigē. Oder der cristlichen ordnung gemacht we  
re/das möcht man durch kaiserlich beuelch nemen vñ verbrēnē etc.  
Inn diser schlos red werden drü ding vnuerborgen vnd clarlich be

griffen. Zum ersten die schmach gottes vnd der hailigen, by dem  
wort schmach im latin infamia für das ander schand vnd vneere/  
das ist so man gott zu legt ain schand oder vneere die er nit hat / oder  
so man got die eere entzücht die er hat / vnd das haiffte gotts lesterung  
im latin blasphemia. Zum dritten kezerij das ist inn vnserm tütschen  
vor mans vnd frawen personen ain vnzüchtig wort. dann nach dē  
bruch der gemainen sprach by vnns wirt verstanden die vngenantē  
sünd wider die natur. Darumb were es inn disē handel verstetlicher  
so wir sagten heresis irtung inn rechten glauben / dann wir haiffen  
die menschen irrig im glauben / so nit nach sagung vnd ordnung der  
cristenlichen kirchen wie sie solten glauben. Darumb welches buch  
zu schmach schanden vnd vneere der cristenlichen ordnung vñ saz  
ung gemacht were / das solt genennt werden ain kezer büch oder ain  
büch des irrigen glaubes. Nit allain im iüdischer sprach oder schrif  
ten / sumder im allen sprachen vnd nationen die inn der welt sinde /  
Noch sinde beuor etliche verbotten bücher die böse künsten vnd zau  
bereien inn sich halten / von denen ich hernach auch clarlich geschri  
ben hab am rüij. blatt vff der andern seitten. Die weil nur dise dreü  
stück obgemelt on alle zu saz von mir inn allen vnd ieglichen iuden  
büchern mit fürsaz clarlich verworffen vñ pynlich verdampe sinde /  
nemlich schmachbücher / gots lesterung vnd kezerij. So sit ich all  
frum leüt dan an den vnstrumen ist nitz güts zu erlangen. das sie  
myne schrifften inn kain arge kern oder wendenn / sich auch nit er  
gern wöllen am kainen nachuolgendenden worten myns ratschlags /  
dann mein mainung ist anders nit dan dz alle bücher sie syen der iude  
der haden oder der cristen inn was sprachen oder mit was büchstra  
ben geschribē die zu schmach gemacht syen / oder die so gots lesterung  
inn sich haltē / oder die so irrig glauben vnd kezerien leern / predigē  
vnd vnderwyssen / oder die so verbotten / heffig vnd schedlich künstē  
oder zauberien anzaigen vnd practiciern / sollen all vnd ieglich vnder  
getruckt vnd abgethon werden. Sollicher verstand / mainung vnd  
will soll inn allen nachgeenden mynis ratschlags reden vnd allem  
mynen schrifften bedacht vs genömen vnd hin dan geseert sein. Vnd  
wan oder wie oft vnd dick ich hernach von den iuden büchern mit  
iren aigen nanē oder zu namen red oder schreib sie syen genant oder  
gehaiffen wie sie wöllē / als Thalmud / perusch / midrasch / draschoth

spharin vñ der gleich. So ist alweg mein erster will inn der gemain  
vor gesetzte die weil ich den nit eigentlichē vñ sundern wortē mit abge  
thon noch sunderlich widerruffte hab im allen rechten krefftig vñ  
bestendig vñ soll durch vñnd durch biß zū end meins ratschlags ge  
haltte werden. I. si quis im principio et ibi doct. ff. de lega. iij. Ob nun  
ainer also wurd lesen difem allen nach vff die fürgehaltem frag  
sag ich das der Thalmud nit zū verbrennen sy noch abzethün. Dem  
soll von stünd an des vor ergangen beschaidts angedechtnus im sy  
nen sin fallen vñnd ains zūm andern tragen vñnd das der massen ver  
ston im denen büchern die nit zū schmach geschriben sindt vñnd nit  
gots lesterung im sich halten vñnd kein ketzery leren vñnd kein ver  
botten zauberei practiciieren. Dann die vier stuck sind von mir zū dem  
brand vñnd feurwer verurteilt. Sunst was ader das ist dz da dienet die  
sprachen zū lernē oder dienet zū dem vntrechten vñ vermaiten gotts  
dienst darin sie gedult werde oder das insich halt des wir nit wissen  
güt oder böß sein das laß ich mit andern irrungen darim sie gedult  
werden hingon vñ bleiben die weil ich dar von kein rechte noch sartz  
ung weder kaiserlich noch besplich noch kainen beschluß der cristen  
lichen kirchen gesehen gelesen noch von yeman anders gehört hon.  
Vñ schraiben etlich cristenlich lerer das der thalmud von vilen vñ  
manicherlai gestünderten büchern vñnd materien zū samen gesetzte vñnd  
ains von dem andern vñnderschiedlich wol zetailen ist. Fortalicū fidei  
setzt dry materien des thalmuds. Autor obiectionū in thalmud setzt  
vier tail. Doctor Petrus nigri setzt sechs tail/etlich sage er sy vier mal  
als groß als die bibel/der Pfefferkorn sagt er sy dryßig mal als groß  
wie wol ich dem selben billich nit glaub. Wie dem allen so ist er vñ  
vil büchern zū samen gesetzte wie facultas legum facultas canonum  
historie vñnd moralia nach der sag Fortalicū libro tertio considera  
tione xi. Dar zū theology vñnd arzney vñnd anders etc. Wie im mynem  
ratschlag am dritten blat by dem zaichē. M. geschriben stat. So ich  
nun nie dar wider gewesen bin sunder glauplich zū laß vñnd halt wie  
wol ichs nit wais das man mög gottes lesterung vñnd ketzereien im  
dem thalmud finden als ich deren ains tails mit namhaffigen wor  
ten angezeit vñnd die vñnd andern iüdischen büchern genommen hab.  
Dar neben aber bin ich aüch von den vnfern/des gleichen vñnd den irē  
bewegt worden vil torhait in thalmud begriffen die Fortalicū nent

fatuitates an zu regen daruf zweierlai bößs im dem thalmud nach  
sag der vnsern gesunde wirt nemlich das ain. peinlich verdampft vñ  
das ander nit peinlich verdampft. dan schmach/gotts lesterung/ vñ  
kezerei/ sind peinlich verdampft. Torhait/ irrung vñ vnglauben dar  
im sie die cristenlich kirch noch gedult sind von ainicher sätzung pyn  
licher sunderer weltlicher oder zylicher straff vñ verdampft. Dise vn  
derschaid des thalmuds hab ich im meinē ratschlag angeregt an dē  
p. blat mit disen Worten. Nit red ich es darumb das ich den thalmud  
wolle güte mache/ an den enden da er zu verwerffen ist. alls wolt ich  
sagen. das hon ich vor verurteilt. Sunder allain zu beweisen das er  
nit zu verbrenne oder zu vertilcken sy vmb des willen dz im im etlich  
narhait vñ torechtig mainig im desputation weise begriffen sind.  
Vñ dise zwai glieder des böße ob angezaigt/ als wern sie dē hendeln  
gleich iudiciorū publicorū vñ priuatorū delictorū/ geben ainem gros  
sen verstand im mynem ratschlag/ vñ d lischent auß vil ergermus.  
Hierumb so hon ich im der latinische disputation by dem ratschlag  
vßgangen. dise schloßred gesetzt. Die weil der thalmud vil tail hat die  
man von ainander wol tailen mag/ so soll er an denen orten do kain  
kezerei noch gotts lesterung erfunden vñ d gesunder wirt/ nit ver  
brent noch abgethon werden. Daruf mag man dry beschaid vñ ab  
uertigung nemmen. Zum ersten also/ im den tailen darim kezerei  
oder gotts lesterung ist/ mag man den thalmud verbrenen vñ abethon  
Doch were es villeicht der cristenlichen kirchen nützlich vñ gut/ das  
man sollichen thalmud nit gantz vñ gar abete/ sunder das man dē  
bischoffen vñ den öbern ieglichem ainem thalmud zu behalten gebe  
den selben für die cristenlichen kirchen vñ wider ire widersecher im  
künftig zeit zu der notturfft wissen zu gebrauchen/ wie ich dann sol  
lichs im meinem ratschlag nach beschluß des handtels im der  
fünfften bewegnis am xvij. blat angezaigt hab. Zum andern also  
Die weil vil vñ manicherlai tail des thalmuds sind/ vñ d yeglichs  
tail gewölich genēt wirt thalmud/ so ist nit not gleich vñ stund an zu  
glaube das dises oder dises tail kezerei oder gotts lesterung in im halt  
sunder man soll ieglichs grunelich erfarn/ so doch vil der tail mögen  
sin/ die sollichs übel nit haben. Zum dritten/ in den tailen vñ d an den  
orten da kain kezerei noch gotts lesterung ist oder des glychen/ da sol  
man den Thalmud nit verbrenen noch abethon sunder uerschuldē  
oder recht ursach/ so lang sie dann vñ d vns gedult vñ gehalten wer.

den vñnd ich wann ainer also mit erste regel die gemainlich uff alle  
bücher diener vñnd darzü zweyerlei artem naturem vñnd glieder  
des bñssam vñnd vngeschicktem in siner gedechtnus behalle So  
mag er mine schffriten wol on alle ergernus verston vñ als er schul-  
dig ist ain yeglichs in das beste keren. Damit sich aber ab etlichen  
sonderen reden vñnd worten so ün ratschlag begriffen vñnd mit in  
den argumenten vñ antwurten zu gefallen sind kain vnvolkumner  
oder klaimmütiger on vnderricht erger e/ alls vil ich dan dero kñ erkñn-  
digen die ain solcher möchte vnrecht verstannden han/ will ich ains  
nach dem andern in sonderheit von item zu item fürnemmen also

Item das wort Secta hab ich gegen vns cristen in güttem geredt  
Dann es mag wol in güttem verstanden werden. C. de pact. L. vlti. et  
de ad nostrum. de heret. in glo. ij. des sich auch vnser apostel Paulus  
von seiner aigen person also gebrucht. Act. xxij. da er zu dem lande-  
vogt Felix spricht. Ich bekenn dir das ich nach der secta die man nen-  
net heresis diene minem vatter vñnd gott

Item ich laß die iuden auch glieder sin des römischen richs nach ir  
gestalt/ dann sie sind auch ain volck des Römischen richs per. glo.  
in ca. ius quiricum i. dis. Bart. et doct. in l. hostes ff. de capt. et post.

Item durch das wort burger hab ich den iuden kain sonndere ere  
erbottent/ dann sie sind kainer eren werde l. fi. C. de iude. Die wyl sie  
aber in gemainem römischer rechtē das gehaissen wurd ins ciuile roma-  
norum ledig gelassen sitzend. vñ sich des auch gebrauchent. l. iudei cō-  
muni romano iure C. de iude. so werden sie genent aines romani. das  
ist/ des römischē richs burgere. in sti. de patria potesta. s. i. iunct. glo.  
in ver. omnium. Et autē. sed hodie. C. de iure. aure. annul

Item als ich der iuden wörter vñ reden wider vnsern lieben hern  
gebrucht wie ich mermals gehört vñnd by den euangelisten gelesen  
vñnd von doctores auch predicanten vernommen hab anzoüg daran  
hab ich grossen verdriß entpfangen vñnd nicht gefallens alls billich  
zu gedencen ist von ainem gütten cristen der ich bin vñnd nie anders  
geacht worden/ vñnd dester mer so es wider mynen lieben herren  
den ich by disen wortē sampt vergich gehandelt ist. Das ich aber nit  
vngedultige wort zu ainem ieglichem stuch gesezt hab/ ist myns bes-  
dunckens vnnot gewesen gegen ainem cristenlichē haupt der cristen-  
lichen gaislichait/ dem ich sollichs allain zu geschriben hab/ als crist  
gegen cristen/ wie die euangelisten selbs gethon haben vñnd Augusti-  
nus pp. libro de ciuitate dei da er schreibt/ gott halt das abgekert hertz

den iuden von vnserm cristo. dann sie mainen nit das er gott noch  
gottes sine sy. Da hat ir kainer de hainen uerdrief noch vngedule hin  
zu gesetzt/ vnd werden doch darumb nit geachtet irreligiöse oder vns  
gotts förchtiglich geschriben haben

Item so ich sag das man villicheit sollich mainung im thalmud  
mög finden/ da es die materi begeben hab dar von zeschriben/ da han  
ich nit geschriben/ da es die materi erhaift hab/ als das ainer in latin  
vffgelegt hat eregit/ sonder das ist die mainung/ da sie villicheit trac-  
tieren vnd schriben von christo/ sinem leben vñ tod/ vnd von seiner  
lere/ vnd soll das wörtlün/ willycht/ auch vff die disputata irer lerer  
gezogen werden/ dann ich will darmit die iuden weder entschuldige  
noch geschuldige haben/ vnd so ich sprich ich will glauben/ ver-  
stand/ alls nit vnmöglich

Item so ich geschriben hab das der thalmud nit zu verbrennen sy  
noch abzethon/ soll verstanden werden wie ob lut an den orten oder  
im denen büchern die kainen schmach/ kain gotts lesterung/ kain  
kezeri im sich haleten/ dann welche bücher sollich im sich halten  
die selben sind vor von mir am aller ersten hindan gewisen/ vnd zum  
brand geurtailt/ vnd gehören wyter nit im den nachfolgenden rats  
schlag/ die amndern so des nicht haben/ vnd vom der kirchen gedult  
werden/ sind bissher nit pynlich verdampft/ noch verurtailt/ vnd als  
so soll man alle mite hernach folgende maynungen der bücher halb  
vff dise vnderscheid vnd absünderung der pynlich verdampften von  
der nit pynlich verdampften setzen vnd verston/ Ich thü auch in dem  
nit anders dann Augustinus vnd ander christlich lerer so sie ire redē  
die wider ainander geacht möchten syn/ mit ainē vnderscheid erclere

Item ich hab die iuden kezer gehaiffen in den worten sanct Pauls  
da er schribt. Es müssen kezerien syn. Ich hab aber auch dar by an-  
gezeit das sie nach eigenschafft der wörter nemlich iuden vnd kez-  
er/ wie es die titeln baiderechte gaisstlich vnd weltlich auch vnserere  
glosen vñ doctores eigentlich vnd nach rechter sprach verston/ nit  
kezer noch ir glaub kezeri genent werde. wie auch sanctus Thomas  
der hailgem schriffte doctor vffweist secunda secunde. q. xi. da er be-  
schribt was an im selbs kezeri sy/ vnd sagt also. Kezeri ist ain ge-  
stalt des vnglaubes die do den selben menschen zu gehört/ so cristen  
lichen glauben veriehen/ aber syne lere vnd vnderweisung zerstoren

heille. Sinst weitläuffig zu reden so findet man auch haidnisch  
ketzery vnd iudisch ketzery

Item als ich schryb es sei vns nütz vñ güt das der thalmud belyb/  
soll verstanden werden wie ob lut/an denen orten oder alten büchern  
da sie inen dienen zu irem synagogischen wesen ritus vñ cerimonien/  
dar um die in den von der kirchen gedultt werden/ vnd auch in den  
andern so nach minem rat am xviii. blatt den bischoffen zu behalten  
gegeben möchten werden.

Item des gebets halb velanmeschumadin/ ist noch die mainung  
das kein wort darinn stand das weder taufften/ noch aposteln/ noch  
christen/ noch das römisch rich vñ siner eigenschafft der sprach bes  
deutet/ sonder es sind weitläuffige vnd gemaine wort/ vnd bedeuten  
vns nit in sunderhait/ als wolt man sagen wie in dem psalmen/ deus  
laudem meam/ oder des glychen. Dann also möcht ainer auch wolle  
sagen sie bettet den selben psalmen wider den bapst/ Des halb soll  
man meine red an dem selben ort gütlich vnd tugentlich verstou vff  
die grammatica vnd eigenschafft der wörter ieglichs nach seinem  
rechte tütsch/ aber doch nit allain zu der grammatica sonder auch zu  
der logica vnd zum rechte vnd all güt sitten vñ hendel/ nemlich also/  
da vmb sollicher wörter willen die man vff bald syt wol oder übel  
in guten oder in bösen vfliegen mag da sollem die leit kains wegs  
im grosse vñ schwere straff vnd schaden fallen darumb das ainer  
die selbigen gemaine wort im das übelst vnd bösest keren oder tol  
menschen wolt/ dann das ist im rechten verbotten/ vnd menschlicher  
vernunft vngemeß.

Item der fyndschafft halb ist mein mainung also gewesen/ so sie  
vnd wir im des römischen reichs rechten vñ friden sitzen/ dar durch  
wir bald parthien vns des römischen burger rechtes gebrauchten/ vñ  
sie nit hostes noch vnser abgesagte fyend sind/ so muß es nit vñ nott  
wegen also syn das sie vnser personen fyend syen darumb das sie vn  
seres glaubes fyndt seyē. Als auch gleich her widerumb nit daruf vol  
get/ so wir irs iudischen glaubes fyend syen das wir darumb müssen  
irer personē fyendt sein. So sie aber alle nationen in der welt gemain  
lich von ires glaubes wegen fyendt syen/ so muß es darumb nit also  
sein das sie vns im sunderhait für annder fyendt syn/ dar durch hab

ich sie nit entschuldigt das sie nit vnsers glaubes fyendt syen/dann  
das selbig ligt offentlich am tag.

Item als ich schreib das nieman kind wissen was ainer im sinn  
hab/sol also verstanden werden/wan sich sunst nichts erschänte  
dar durch des menschen sin vnd müt oder für sag leichtlich möcht ge  
brüfft/ gespürt oder vermüet werden. Vnnd mit dem allem will ich  
nit vßgelescht haben noch vßleschen all achtung vnnnd vermütung  
also das man dannocht nit mög dafür habenn das die iuden sollich  
bette wider vns betten/ sumder das ist mein mainung das man es  
allain vß den wortē im dem gebette begriffen wan sunst kein ander  
grünlich anzaigung dar gethon wirt nit müß so hoch vnnnd fast wi  
der die iuden achten vnnnd vermüeten das sie darumb so harte vnnnd  
schwer soltten gestrafft werden/wie im meinem ratschlag gemelct  
wirt. Das aber vil der iuden so von inen kummen vnd getawfft wer  
den dar von sagen/das mag syn/Aber sollich sag vfferhalb rechtes  
im peinlichen sachen ist kein gnügsam vrsach ainen andern zü pynt  
gen oder straffen/Es volget auch das nit daruß so etlich iuden vill  
oder wenig etwas namhafftigs wider vns thuen/dz es daruß müß  
also vnnnd nit anders syn/das alle iuden im allen hendeln wider vns  
handeln/vnd das ist die verstantnis des gemainen rechtes.

Item als ich schreib mich hinder des halb nit was die gemeldten  
vnsers glaubes wider den thalmud geschriben hon/soll mich niemā  
so groß noch so vnuerstandē achten/dz ich dar durch den würdigē vñ  
hochgelerten doctoren vnnnd leeren keinen glauben geben wölt/das  
were ain stolze vermessenheit im mir/dann es ist ainem yeden im  
syner kunst gelertem vnnnd erfanden zü glauben/vnnnd auch ainem  
frummen man das so im wissent ist/Aber vß den nechst obgeschribē  
worten kan ain yeglicher wol verstō das es disse mainung ist/das ir  
schreiben vnd zeugnissen so yemants zü nachtail dienet/ im rechter  
nit gnügsam ist ainen andern allain vß dem selbē zü peinlicher straff  
zü verurteilen/als hie/da man abthun/ertrencken/oder verbrennen  
sol.l. testium s idem dñus Adrianus. ff. de testi. et ibi glo. i. Tex. est in  
auten. apud eloquentissimum. C. de fid. instr.

Item wolt ainer gedencke ich zweyfelt vnd glaube nit das im thalmud etwas vngeschickts oder schnds geschriben stünd/der selbig sy myner vorer gangen rede in myne ratschlag begriffen ingedenck/ do ich mit erzehlung vil schnöder böser artickeln auch sag das ich es wol glaub das sollichs vnd des selben gleichen darin mag ston/ aber ich bin des doch nit sunder gewiß/ wie im was gestalt vn an welche orten/ dann ich den thalmud im hebraischer sprach nit gelernt hab/ Vnd sind dise myne wort vö dem thalmud/ da von ich sag were der so vngeschickt zu verston/ da er nit peinlich verdampft ist wie ob lut/ vn von dem auch so man den bisch offen möchte zu behalten geben/ vnd das ist myn obgemelt mainung/ vff die sollen alle myne wort dienen. c. secundo requiris extra de appel.

Item so ich das ander argument den thalmud nit zu verbrennen verstand in nit pynlich verdampfen materienn wie ob lut/ vff die wort vnser lieben herren gesetzt hab/ da er spricht/ Erforschennt die schriften. Soll mich nieman dar für haltē als ob ich beharlich/ oder tratzlich hab wöllen durchtringen/ das es eeben also müß sein/ vnd nit anders/ das vnser herr Jesus by den selben worten hab den thalmud gemaint. Dann das ist myns willens noch fürsatz nit gesehen/ vnd darumb hab ich auch nit hin zu gesetzt/ das man es also halten sol/ sunder ich hab gesetzt also/ darab zu nemen ist/ alls ob ich sagte/ man mag achten vnd züleslich probabiler vermüten. Wie es dann der lerer Burgensis züleslich vn probabiler auch der massen vpflegt/ von dem ich es genommen/ vnd hab den selben lerer der hailigen geschriffte noch bishier darin nit gehört von der kirchen verworfen syn/ das er geirrt hab/ an der verstantnis der schriften.

Item von dem bom der kunst des gütten vnd des bösen im paradis/ soll nieman gedencken das ich den thalmud vnd den selben gegen ainander also vergleicht hab/ das sie ganz ains syen/ dann glych ist nit ains/ so ist ain gemain sprichwort/ ain vede gleichnis hüncke/ Sunder ist mein mainung also gesehen/ als der bom der kunst des gütten vnd des bösen nit ist von got vffgehawen oder verbrent/ wie wol vnser elltern den tod daran geessen haben/ nit das er an im selbs böß sy/ Also auch etlicher weise mag man achten das der thalmud an denen orten da er weder schmach/ ketzerei/ gods lesterung noch zaubery insich halt auch nit sol vffgereißt oder verbrent werde/ so lag

vñ ferr die iude von der kirchen vmb besserung willē gedule sein/ wie  
wol sie daran sündē. So möcht auch der gantz thalmud dē bischoffe  
zū künfftiger notturfft der kirchen wie ob lut zu behalten geße werde.

Item als ich schreib ob die vñnerstendigen sich darab ergerten dz  
were ir selbs schuld vñ nit des buchs/ soll sich selbs nieman dar durch  
betriegen das er wölle verston das mein mainung ye gewesen sey/ dz  
der thalmud an den orten da er ketzery oder gots lesterung vñ des  
gleichen im im halt die menschen nit erger/ besunder die ainseitigen  
schlechten leut/ dann ketzerei ist der natur so vil vñ an ir ist das sie  
die leut erger. Sunder mein red soll verstanden werden/ an den orten  
do der thalmud finster vñ vñlauter torhait/ narrechtig e. empel nit  
offenlich übel vñ böse taten antreffen vñ des gleichen verborgen  
göckelwerck im sich halt/ darim sie von der kirchen gedult werden/  
oder das man wol kan vñ mag im ain guts vñflegen. So wil ich  
auch nit das es alles rosen sy/ dann man hat wol von mir verstandē  
das ich glaub es stand vil böß darim/ dz hab ich aber vor verurteilt.

Item an dem ort da ich den thalmud gegen andern künsten im  
dem vergleich das er vil dings als ich im iren maistern gelesen hab  
verborgenlich beschreibē wie gar vil andere. Soll sich nieman darab  
ergern/ als ob ich wolle den thalmud hoch preisen vñ loben/ da er  
schanneliche böße ding sag. Vñ ain für war/ dann im dem selben hatt  
man mich hie vor anders vñ wol vermerckt/ so hon ich auch die bi  
bel vñ dē thalmud gegenanander durch die exempel die ich vñ der bi  
bel von sanct Hieronymus vñ andern cristenlichen lern genömen  
hab nit wöllen vergleichen/ sunder ich hab wöllen anzeigen/ als im  
der bibel mag gesundē werdē etwas dz des erste anruck's nit wol lut/  
vñ hat doch ain gutten verstand. Also auch mag der thalmud fin  
ster vñluter vñ verborgen mainungen im sich haltē/ die anders vñ  
in verstanden werden/ dan wir es vñleicht möchten vñf nehmen/  
vñ auch an ir selbs doch nit böß weren/ dar zū so will ich auch ande  
re gleichnussen im den künsten dar durch nit gelobe noch angenom  
men/ sunder allain im exempel wyse erzelt haben. Ich will auch nit  
das die verborgen ding im thalmud begriffen al d'rain syen/ das mā  
nit sol mit vñgeweschen süßen darüber lauffen/ sunder ich main es  
also/ dz die iuden sollichs so rain vñ auch so kostlich achten vñ  
halten/ das es nit yederman sol verston.

Item das vñ den ob erzelet von mir geleerten vñ hailigen man-  
nen niemant gesunde werd/ der begert oder gewünst hab/ die obanges-  
zeitigen bücher zu verbrennen ꝛc. dar von hab ich im augenspiegel la-  
tünich vñnd tünisch erclerung gethon/ vñnd soll nyeman gedencen  
das ich es geschriben hab von den pynlich verdampften büchern wie  
ob stat/ sündter das ist mein maynung das ich nie gelesen hon von  
ainichē geleerten man der wider den Thalmud geschriben hab/ das er  
mit vñsgetruckten worten des sundern willes were den thalmud an  
allen seinen tailen/ enden vñ orten on ainich vñnderschaid zu verbren-  
nen/ noch kein ander iuden buch/ darinn mit schmach/ gods lesterung  
kerzery oder zaubery vñnd des gleichen geschriben stund. Wie wol mā  
hilt das die zwen pēpste Gregorius vñnd Innocentius den thalmud be-  
wolhen haben zu verbrennen/ so stat dar by geschriben das darinn vil  
kerzereien gestanden syen/ das sagt auch Alexander de ales doctor im  
der hailigen geschriffte. Aber vñ den worten von dem ratten vñnd vñ  
kranke Matthei pū. hab ich diese mainung inn mir gehabt/ wan man  
das böß kan vñnd mag wol schaiden von dem gütten/ also das sollich  
güt inn sündterhait mag beleiben/ so soll man das güt nie verderben  
mit dem bößen. Vñnd wie wol es vñnder den menschen ist nemlich also  
wan böß vñnd güt vñnder ainander vermüßt sind/ vñnd die bößen nie mō  
gen gestrafft werden on mercklichen abgang vñnd schaden der gütte  
als dann soll man vñns besserung willen die bößen nie verderben da  
mit die gütten nie auch verderbt werden/ So ist es aber doch inn den  
kerzer bücher nie also/ sündter wan böß vñnd güt vñnder ainander ver-  
müßt sind/ also das man das güt nie kan noch mag von dem bößen  
schaiden/ so soll man das güt mit dem bößen abthun. Dan es stat ge-  
schribē. i. Co. v. Wenig hefels verwißt ain gantzen taig/ also ist myn  
mainung vñnd nie anders

Item das dem yezgemelten getrüwlich nachuolg die hailig kirch  
inn canone sancta xv. dis. soll nie also verstanden werden/ das die kerz-  
er bücher alweg belyben sollen/ sündter sie sind zu vermeidenn/ es sey  
dan by den scharw maistern/ den ordinarius vñnd bischoffen/ zu künfftu-  
ger notturfft/ ob sich der gleichē casus vñnd fellen inn der kirchen wür-  
den begeben das sie möchten durch gelert leute der kirchen zu nutz vñnd  
güttem probiert werde/ das ist nie zu verstend approbiert noch zu ge-  
lasen/ sündter probiert das ist bewegen/ ergründt vñnd erlesen inn iren

irtunge dar durch ander gleichförmig irtungen wa die ynsielen /dest  
leichtlicher möchten verdampft werden / vnd mit also das sie alwegen  
soltten belyben / sunder das sie belyben bis man sie schaw vnd probier  
welche anzunehmen vnd welche zu meiden sind / das vermag der ca  
non mit sampt den wortē des apostels omnia probate darin verlypt

Item als ich schreib das die iuden im denen dingen die iren glau  
ben antreffen sind allain inen selbs vnderworffen zc. sol verstantden  
werden / wan sie mit irem glauben sunst nieman vnrecht thund / wan  
sie aber iren glauben wölten mit schand vnd schmach gots vnd der  
cristenlichen kirchen vnnnd mit gewalt oder vnrecht ann ainē andern  
begangen / beueffigen vnd beschürmen / als mit übungen der schmach  
gots lesterung / kezerien oder zauberyen / vnd mit allem dem / das da  
belaidigt vnnnd vnruwig macht den stand vnnnd friden der cristenlich  
en kirchen wyter vnnnd über das selb darinn sie von der kirchen gedult  
sind / so mögen sie von cristenlicher oberkait berechtet oder gestraffet  
werden / Sunst was ir synagogisch wesen vnnnd ritus darinn sie vō  
der kirchen gedult werden antrifft / da selbst vnnnd daran sind weder  
sie noch ire alte bücher von den cristen zu straffen / dann sie sind vffer  
thalt der kirchē / so syn wir inn der kirchen / darumb sie auch mit gais  
licher pen schlechts vnd stracks nit mögen gestrafft werden / das ver  
mögen die angezogen wort des apostels.

Item als ich geschriben hab das bapst Alexander vi. graff Johan  
sen von Nirendel büch von der Cabala genant apologia bestetet  
hab / bedeutet das wort bestetet / als vil alls zu gelassen vnnnd appro  
biert / nach gemainen teutsch der instrumenten so man schreib be  
stetet vnnnd confirmiert / vnnnd ist nit myn maynung gewesen das er  
ain confirmation darüber hab lasen vsigon / sunnder das er es nach  
flyssiger besichtigung vnnnd erkündung nit hab verworffen / das in  
doch leichtlich zu thun were gewesen het er es nit wöllen zu lasen /  
dann sein hailigkeit hat dem gemelten graffen des selben büchs halb  
dis maynung zu geschriben. Wir vrtailn vnnnd ercleren das du von  
wegen der declaracion vnnnd apologia von dir außgegangen / noch  
sunst / inn kein ansenhen verdacht oder gemerck des irglaubes oder  
kezerie gefallen syest / das ist zu achten interpretacion zu gelassen vnnnd

wie wol zwüschen zulassen vñ verwerffen ain mittels m̄cht sein/ ob  
sich ainer wölte vff ain sach bedencken/ oder züg sie vff/ oder verließ  
sie/ als gieng sie in nit an/ oder des gleichē/ das er die weder verwirff  
noch zuließ/ So ist es doch hie nit also/ vñ darumb hon ich nit vn  
recht geredt per. ca. Error lxxij. dis. et pliii. dis. Sic rector. in prin.

Item von denen die mangel halb der zwaiier sprachen griechesch  
vñnd hebräisch vnderwoylen die schrifft in etlichen worten mit  
recht v̄slegen/ vñnd v̄s den andern zū spot darob werdē/ schrybe sanct  
Hieronymus nit wenig/ des ich mich hierin zū fürderung der lere vñ  
kunst baider sprachen getriest/ vñnd dar mit nieman veracht hab/ will  
auch dar durch die glosen der iuden nit erhebe/ noch darnit vnsern  
cristenlichen lerern nach geredt oder detrabiert haben/ als ob ire glo  
sen vns nottürffig wern/ Dann mein mainung ist nie gewesen das  
die iuden die hailig geschriffte bass v̄slegen/ oder das ire glosen besser  
vñnd vns nottürffig syen/ Aber ich hab allzū geredt von der sprach/  
dann in etlichen worten m̄sgem die iuden in hebräisch/ vñnd die  
griechen in griechisch v̄s irer aigen sprach willenn die wir bissher  
nit gelernt haben/ maisterlicher syn/ mit tolmescher vñnd v̄slegen/  
vñnd wan sich die vnsern des selben in gütter mainung glychermaß  
auch vnderstanden/ so m̄cht man etlich finden die ir spoteten/ wie  
wol für war vnbillich/ dan es ist nieman der alle ding künd/ So hab  
ich selbs nichts von sanct Hilario erdacht/ sunder den hailigen Hiero  
nymū lassen reden. Ich hab auch dem würdigen vñ hochgelertē hern  
doctor Nicolaus de lyra mit mynem schraibē kein verachtung/ sunder  
ain mercklich grose eere vñnd hohes lob zū gelegt/ das er den ganzen  
Rabi Salomon nach allem vermögen zū der cristenlichen kirchen  
grossen nutz bewendet hat/ vñnd ist noch bissher nieman nach im kün  
nen der im gleich gehon hab.

Item dar by so ich schreib/ welcher sich behelffen müß der hat nit  
vil überigs/ hab ich nieman dar mit veracht/ sunder dem gemainem  
landteuffigē sprichwort nach/ wā ainer sagt ich will mich behelffe/  
so mag man wol ainē dar gegen finden der im antwort/ wer sich be  
helffen muß der hat nit vil überigs/ vñ ist auch ain gemaine freunds  
red/ vff das wort behelffen/ als der sich mit hosen deckt/ dan ich hon  
d̄s hosen decken nit gezo gen vff die v̄slegung vñnd cōmenten der lerer/  
sunder vff das wort behelffen/ darnit kan billich nieman dar für ha  
ben das ich die kostlich lere der lerer wölte zū alten hosen gleichē/ vñ

daruff so ist meiner mainung nie gewesen dz die gloffen der iude vns  
not sind zu dem rechten verstand der hailigen geschriffte / myne wort  
luteet auch nit also. ich hab aber von der sprach das die vns dar zu für  
derlich sy geredet / vnd nit von den gloffen der materi.

Item von den heyenbüchern ist myn red noch mainung nit dz mā  
die behalten solte / daruff das man zaubery mit zauberei vertrib / oder  
ander der gleichen bössen bücher / dan das were sünd / vnd dienet dem  
menschen zu syner seelen schaden / darumb kan es durch myne wortte  
nit also verstanden werden.

Item das die iuden vnser biblithecarii vnd vns ire bücher behal  
ten sind / ist zu verston wie ich am ersten dar von auch yn vnd ynher  
gehört bin / von der bibel vnd den büchern die nit peinlich verdampt  
materien in sich halten / wie zum offtern malen hie oben stat

Item als ich schreib ob die bücher alle wider vns wern / so solle mā  
sie darumb nit verbrennen / soll verstanden werden nach myner erste  
mainung wan sie sinst keinen bössen vñ verdampfe tadel oder wan  
del hetten / dan das allain / das sie wider vns wern in den indischen  
übungen irer cerimonien ritus synagogische wesen vñ anderen des  
gleichen / ob es ioch dem vnsern nit gleich ist vnd dannocht vns bes  
serung willen von der kirchen gedult wirt / dz bedeyt dis wort daruff.

Item die wyl sie so in klainer zal vnder vns sizē / dar durch mer be  
rait zu dienen dann schaden zu tūn / das deshalb zu vermitten sy solt  
liche bücher nit wider vns / sunder mer für sich geschriben zu haben.  
Soll mann also verstan das sie dar durch bezwungen werden so ir  
wenig sind / damit sie in ainer tegliche forcht standen / w. sie ettwas  
wider vns anfangen das man sie lychelich vertilcken oder verderben  
möcht. darumb so sind sie nit als vffrurig oder als gerüft wider vns  
alls andere vnglaubigen / wie wol so sie vns übermöchten werden sie  
geacht dz sie vns nit gedulten als wir sie vñ deshalb ist nit krefftig  
lich zu vermitten die bücher so sie gemainlich haben vnd lesen das sie  
die auß fürsatz wollen wider vns bruchē mit sonderer schmach / also  
C

das man vß solchen aret won sie mög rechtlich straffen/dan es stat  
als wol daruff das sie die allain zu behalten ir alt synagogisch wese  
vnd herkommenheit dar in sie von der kirchen gedult werde geschri-  
ben haben/was sich aber der verdampfen bücher halb erfindt das ge-  
gehört hieher mit

Item als ich das kaiserlich recht s denick Marcellus für die indē  
bücher angesogen hab/das sol hie verstanden werden von den alten  
büchern die sie gemacht habern für ire ritus/ceremonien vnd syna-  
gogisch wesen vnd anders des gleichen on sumndere schmach oder  
widerdrieff vnser glaubes/dann sie die selben ihre permissiois ge-  
macht habē/wie wol sie dānocht darin nit zu lobē sind. Aber die wyl  
sie nit zu sundern schmach vnd belaidigung der cristenlichen kirchē  
gemacht sind/wie wol sie wider vnsern willē gemacht sind/dan wir  
wölten lieber sie hielten vnsern glauben vnd vnser bücher so künden  
wir sie doch dardurch rechtlich nit überwinden das sie sollich nechst  
obgemele bücher wider vns das ist mit vß sag oder vß fürsatz vnns  
dar mit sundern schmach oder laid offentlich zu bewyßen vnd zu zessū  
gen gemacht haben/vnd die weil ich die ketzer bücher gotts lesterung  
vnd ander verdampft materien vormals ün anfang hind an gewisse/  
hab so sollen vnd mögen sie hiezū nit gezogen werden/dann künde  
vnd wissen oder krefftiglich zu vermütten ist/das die selben laster vñ  
ketzer bücher vns vß fürsatz zu sundern schmach gemacht vñ nie vō  
der kirchē gedult sind/Aber dise yetz gedachte bücher die kein pynlich  
verdampft materi in sich halten.ob sie wol vnsern glauben wider  
sprechen/so werden sie doch von der kirchen vmb ains bessern willē  
gedult/so sie nit erfunde werde dz sie mit fürsatz vnser kirchē vß ange-  
nōmer bosheit vñ mürwillen begeren sunderlich zu laidigen oder zu  
schmehen/vnd von dem selben sol dise myn red verstanden werden/  
mag anch mynē obuermelte schriffte nach/nit anders vßgelegt wer-  
de. Ob mir ainer nun so nachgrifflich hie oder an andern des glyche  
orten myns ratschlags vßhebe vñ für werffen wolt ain epistel oder  
missive von mir ainē edelman vor fünff iaren zu geschickt/darin ich  
sag dz die indē got lesteren/vnd hab die selben gots lesterung vß ainē  
iudischen buch genomen das sie nennē Lizahon des glychen vß ainē

Buch genant Tholduth ieschu vnd truct sie mit namhafften worten  
vß. Sag auch dz die iuden zu diser zeit tailhafftig syen der gots lester  
rung durch ir ratification/ vñ ain streud darin haben so sie etwas zu  
schand vnd laster wider vns künden erdencken/ wie das inn der selbē  
missiue die iuden zu vnserm glauben zu bewegen verzeichner ist. Der  
selbig nachgriffig man sol daruff brüderlich ingedenck syn/ dz ich die  
selben gots lesterung vnd sch. ch auch die bücher so sollichs inhale  
ten/ vnd mit sundern namē die selben zwai bücher Lizahon vñ Thol  
duth ieschu selbs angeben/ auch die iuden by denen sollichs gefunden  
wird am aller erstē anfang myns ratschlags durch ainē rechtspruch  
verdampft vnd verurteilt hab/ vnd gehörent nit mer zu nachgeenden  
ratschlag als gentslich hindan gewissen vñ vßgericht. Aber von den  
büchern vmb dero willē wir yezund handeln hab ich inn der missiue  
nie geschriben das sie mit fürsaz wider vns sind. Ich hon auch in der  
selben missiue des thalmuds mit kainē wortt nie gedacht/ darüb mag  
von mir kain frümer noch sunst kain mensch mit warhait sage noch  
gesagt haben/ das ich vor inn der missiue mit schwarzer dinten vnd  
doch yezt ün ratschlag mit güldiner dinten geschriben hab

Item fürter als ich aber schreib ob die iuden ire bücher mit fürsaz  
vns zu wider geschriben hetten/ das ich doch nit man/ bedrffst auch  
wol ains gutten bybringens ꝛc. das sol wie hievor/ auch nit anders  
verstanden werden/ dan von den büchern die nichts böß oder das ün  
halten dar inn sie von der kirchen vmb besserung willen gedult wer/  
den/ dan ich hab inn ratschlag mit vßgetruckten worten bekennet/ das  
ich glaub das im thalmud wider vnsern liebe herren vñ vns geschribē  
stand/ vñ man es noch/ aber nit allenthalt/ darüb hon ich in an den  
selb gen orten wa man sollichs übel erfindt/ lasen verbrennen. Aber  
sunst wie obgehört ist/ was sie mit fürsaz vnd sundern willē vns zu  
wider gedencen das stat allain inn des menschen gemüt/ vnd ist nit  
leichlich zum rechten grug by zu bringen/ instit. de. Act. § Alie i glo.  
et Bart. in. l. pro herede in prin. ff. de acquir. hered.

Item so ich von den iuden gesagt hab das alles dz sie schreibē daz  
zu dienend das Jesus kain gott sei/ vñ alles das daruß volget/ das ist  
C ij

ir glaub/vñ wöllent darnit niemant geschmecht habē/vñ das hat die  
cristenlich kirch also bei rüij. hundert iaren gelitten vñnd gedult. Das  
alles sol verstanden werde von irem iüdischen glauben vñnd synago  
gischen wesen, darin sie von der kirchen gedult werde/was sie also  
schreibe nit zu sunderm schmach/sunder inn gemain für iren glaubē/  
vñ ir alt herkömehait zu behalten. Vnd was vñ solchem irem alten  
hergebrachten glauben volget/darin sie die kirch güttlich leidet vñnd  
gedult/das selbig wirt nit geacht das es geschehe fürnemlich zu ainē  
sundern hon oder schmach schand oder laster vnser cristenlichen  
kirchen/wie wol sie auch vnrecht haben dz sie vnder inen iren glaube  
bestetigen vñnd den vnsern verwerffen/dan es dienet inen zu ewiger  
verdammnis/noch dan die weil sie die kirchen nit sunder beladigen/so  
hat die kirch ain gedult mit inen vñnd ains Bessern wollen tolerantia  
simplicis permissiois/vñnd der gestalt so die iudē sagen das christus  
nit got sy/vñ das sie nit an in glauben/werden sie gedult. doch dz sie  
sich hüten die cristen nit sunderer angenömer böshait vñnd übelthatē  
nit zu beladigen iniuriern noch offentlich zu verachten/auch die kirch  
en in irem stand vñnd friden nit vnüwrig zemachen.

Itē fürter als ich geschribē hab dz Jesus sy erscheinē als ain mēsch vñ  
ain knecht/vñ also habē in die iudē nit anders geacht/vñ vñ in nicht  
gödelichs gehaltē/vñ noch dardurch sol mich niemant achte alls ob  
ich gemaint hab die vnwissenhait der iuden hab sie entschuldigt/wie  
ich vor derlich inn der latinischen disputation des augenspiegels dar  
vñ geschriben hab daruff ich mich züch/dan sie haben es wol vñ der  
schriffte vñnd alle dem das christus gethon vñ geletet hat mögen glau  
ben/vñ noch glauplich wissen das vnser here Jesus warer messias  
got vñ mēsch ist. darüb in inen ain angenömen/vñ flyssig/hinleffig  
achtlos vñ verachtlich vnwissenhait gewesen vñnd noch ist zu latin  
crassa affectata vel supina genant/vñ dienet inen zu der ewigen ver  
dammnis/dz ist myn glaub/vñ hab nie anders geglaubt. Aber ich hon  
dise wort darüb angezaigt so ich vor geredet hab/dz sie glauben das  
Jesus kain got sy/das sie sich darnß selbs geergert haben/so sich vn  
ser her Jesus also geniert hat/vñ nit dz sie sich selber entschuldigtē  
Ob sie nun vnsern hern got inn dē also geschmecht haben/züch ich

mich vff die so da schrybē über angezaigte recht/gaistlich vñ weltlich  
mit dz ich selbs daran hab gezwyselt/ sunder ich hab es geacht so clar  
sein als es auch ist/das es myner antwurt nit hab bedörfft/ vnd hor  
mich nit vff die terte gezogen dz man an gedencen sol das ich die clai  
dung der süßen oder der schñöden frawen vñ gottesföchtiglich der  
menschait gottes vergleiche wñle/ sunder allain vff die scribentē vnd  
leher die do schryben über die selbē text/ vñ diser namhafftigē versach/  
dan do schreibe sie all mitanander ainmündig/ also/ Wan ain mensch  
hat ain angensmen/vnflüssig/hinleßig/achelos vnwissenhait wie  
ob lut in erkantnis aines andern der ain frembd kland antrege/ so ist  
es disen der in belaidigt hat/nit ain gnugsam entschuldigung des vn  
rechten vñ schmachs an dem andern begange. Also ist es auch hie dz  
die inden kains wegs entschuldigt werde durch ir vnflüssig/ angens  
men/ gestiffte vnwissenhait/ darüß das vnser herre im menschlicher  
natur erschinen ist/ dan ir nyd vñ hass hat sie mit williglich also ver  
blendt das sie allain ir vffsenhen vff das leiplich gehabt habē vnd nit  
vff das gödelich/ so er doch alles dz erzaigt hat das vß dem warē vnd  
rechten messias geschriben was/ vñ darüß ist dise ir vnwissenhait  
nit der geschicht/ vnd tat/ sunder des gödelichen rechtes. i. q. iij. § no  
tandum in glo. ibi posita quam teneo firmiter contra tertū quod pro  
testor/ Als wan ainer brieue vñnd sigel seiner institution vnd innesti  
tur/ vff ain pfründ zaiget/ so sol man glauben dz er dahin verpfundt  
sei/ darüß so hat ain mensch das von im sellbs nit arg ist vñ disen  
meinen worten kain ergernus mögen nennen/ Sich haben auch die  
inden darab nit künden fröwen/ wan sie meiner latinschen lauterung  
die mit sampt dem ratschlag ains mals vffgange ist wern güttiglich  
durch vnserē gaistlichen bericht worden/ nemlich am xxxi. blat im  
dem xlii. argument/ da ich beschluß das sie vñß solllich aigenwillig  
vnwissenhait ewiglich verdampft werden.

Item alls ich saß das ain doctor der die schriften nach syner Bez  
sten verstentnis vñlegt/ wie er ainem zufall hat er treffs oder treffs  
mit/ so thut er kainen falsch/ es sei dan das er wissenlich ainen falschē  
text darzu allegier/ sol verstanden werden vß dem falschen stricke wie  
ich gleich dar vor an dem selben blat geschriben hab/ nemlich also/

C iij

Zum dritten wirt ain d̄ing falsch genent das mit bösen listen die warhait ainem andern zū schaden vndertrucket oder enndert/ dann also muß ain betrug dar by sein/ das doch nit ist/ wan ain doctor nach syner besten verstantnis ain d̄ing auflegt/ dann die best verstantnis des menschen ist nit genaigt zū bösen/ vñ were alle doctor in schwer wan ainer irte das er dardurch ain falsarius oder felscher genent/ vñ mit pynlichem rechten verurteilt solt werden/ dann irren ist menschlich/ besunder so sich ainer der warhait gern last weisen/ hec est materia. l. quid sit falsum/ et ibi Bart. et doc. ff. de fal. et Cy. i. l. nec exemplum C. eo. titulo.

Item so ich schreib man sei nit bezwungen de hainem doctor in seinen schriften oder opinionen zū glauben/ soll verstanden werden von den schültschriften oder schülerbücher die do haissent libri magistrales nemlich die nit approbiert sind von der cristenlichen kirchen vnd nit der geschicht oder der tat seien sunder von künsten/ denen will ich nit also not sein zū glauben.

Item ob gleich etwas falsch/ vnwares oder betrugs in den iudebücher stund/ were es nit genug in rechten zū verbrennen/ wirt verstanden wie vor oft gehört ist vñ denen Bücher die nit keregereien noch verdampft materien in sich halten/ sunder von den andern mit denen sie sich selber durch iren vn glauben betriegen vnd dannocht darinn gedult werden.

Item das sant Pauls by den rabine zū schül gegangen vñ sy von got gezogen/ da hab ich nicht geredt vñ sanct Pauls bekerung/ die ist nit gemain gewesen sunder miraculosa/ vñ für ander hoch ab gesündere/ Aber ich red vñ den künsten die er by den iude gelernt hat vñ gemain ynflusß gottes vnd sunderer begnadung mit natürlicher gaben durch die er kummen ist zū grosser erkantnis vil künsten.

Item ob der thalmud ursach wer dz sie nit cristen wurden/ darüß sol ich nieman das syn nemen vnd verbrennen/ sol von denen büchern des thalmuds verstanden werden/ die nit schadhafft vñ pynlich ver

dampe syn/dañ an den orten oder inn denē büchern die sollich materi  
en insich hielten/die do zū handhabung irer ritus/cerimonie vñ syna  
gogischen wesen dienten/darinn sie vñ der kirchen gedult werde/oder  
sunst güte vnd nützlich künsten oder tractaten hettē on böß tadel obge  
melt/da thet man inen vnrecht dz man inen sollichs neime/so lang sie  
vñ der kirchen gedult werde/sunst möcht man ire synagogen/greber  
freundschaften vñ rychumb auch nemen/die alle gleich wol die in  
den abziehen von vnserm glauben/das doch verbotten ist.

Item der iud ist als wol vnser hergotts als ich zc.was wölle wir  
aines andern sele vrtailn zc. ist alles zu verston/so der iud in denē drit  
ten so zu synē synagogischen wesen/ritus/cerimonie dienet/darinn  
sie gedult werden/vnrecht thut oder übertritt/dañ das sollen wir got  
benelhen/aber inn den übelcraten vñ pynlichen sachen hat die kirch  
gaistlich vñd weltlich rechte wider sie zū vrtailen

Item als ich die oberkeit entschuldigt hab so sie das lyde/ist zū ver  
ston vñd kan auch vñ vorgehenden mynen worten mit anders versta  
den werden/dann so sie inen ir alte herkommen inn irem synagogisch  
en wesen vñd glauben darinn sie die cristenlich kirch gedult mit straf  
fen/vñd ains bessern willen/dar wa sie das wölten abhün/möcht  
ain bößers hernach folgenn/wie wol aber die iuden wider vnsern  
rechten glaubē sind/die wal sie dan belyben inn ire alte synagogische  
wesen vñd glauben mit ceremonien vñd ritus on sunder belaidigūg  
der kirchen/so ist myn meinung mit das ir güte als ketzer güte der ober  
keit confisciert vñd verfallen sy./Aber wan sie wölte etwas erdenck  
en das offentlich ketzeri wer das het ain ander gestalt.

Item so ich schreib wan die iuden senhen das man inen sollichen  
trang vñd gewalt an ir hailigkeit thete/so wurden sie mer entzündt  
iuden zū sterben alls hailigen/nach irer meinung./Dar durch versta  
ich mit ain ware/sunder ain falsche hailigkeit/all man vñ den selben  
mynem worten spüret./Ich hab auch darmit nit gewölte das sollich  
zerstörung vñd verbrennung der bücher gar vñd ganz gleich geacht  
solt werden/weder ann im selbs noch auch an der wirkung/der ias  
C iij

merlichen durchachtung vnd Betrübnuß cristenlicher kirchen vor al-  
ten zeitten von den tyrannen vnd wüterichen geschehen/ dann das  
selbig ist vß verhengēnus gottes durch übung des bösem gaists zu  
gangen/ aber dieses nit/ Ich weiß auch wol das dannzumal die hai-  
lig kirch generet vnd gewachsen ist nit vß menschlicher industria  
oder schickung/ sunder durch wirkung gottes. Darumb were es ain  
gots lesterung so ainer sagte/ dz auch gleicher wyß der iüdisch falsch  
glaub/ durch gottes wirkung generet wirt/ dann es ist war das der  
tūwofel ain stifter vnd hanndhaber des iüdischen falschen glaubes  
ist. Myn meinung ist aber im den gedachten worten also gewesen/  
nit von den büchern dar im gottes lesterung/ sunnderlich schmach/  
kezeryen/ zauberyen/ vnd desgleichen gelernt vnd gehalten werden/  
die ich vor verdampft vnd hindan gesetzt hab. Sunder wann man  
den iuden sunst alle ire bücher allain die bibel aufgenommē/ wie des-  
halb die kaiserlich frag gewesen ist/ würde nennen abthun vnd  
verbrennē/ so wurd der tūwofel nit feiern/ vff dz der vnglaub nit auch  
abgieng/ vnd würd sich mögen begeben das die iuden von vns also  
erzürnt vnd wider vns bewegt/ noch mer truzlich vnd vil verher-  
ter wüßden im iren falschen glauben dann vor/ vnd das mag man  
nennen vß dem lerer der hailigen schrift Paulus Burgenis in ad-  
ditione super Gen. c. i. Ob es aber dannocht geschech oder nit/ das  
will ich nit fürwar sunder warnungs wyße geredt haben.

Item im myner latinischen lauterung des Augenspiegels hab ich  
by ainer antwort geschrieben von den iuden also/ vnd das sie scha-  
den thuen durch den wücher/ das ist villeicht nit nach irer meinung  
das sie sollichs thuen vß dem fürsatz schaden zu thun/ vnd darumb  
wern sie durch vnserē ößern zu bessern/ zu reformieren/ oder zu ver-  
tryben. So aber das selb nit geschicht vnd sie dann das thund vff  
vnser ansuchen vnd begere/ so müßten sie also glauben das sie vns  
damit zu hilffkemen vñ ain dienst daran thetē. Dar durch mag sich  
billich niemā ergern als ob ich die iudē wolt entschuldige dz sie durch

wücher kait sünd theten/die weil sie nit im sum noch müte hette scha-  
den zü thun. Dann gleich daruff schreib ich das sie um der warhait  
schaden thünd/vnnd sind darumb zü bessern/zü reformiern oder zü  
verreiben. Es ist aber nit gnüg das ainer wendet er thü nit vnrecht dz  
er sich darüb mög entschuldige. dan es stat daruff sie wenen sie thüen  
vns ain grosse dienst damit/vñ werde doch in der warhait ewiglich  
darüb verdampft/wie christ<sup>9</sup> von dē durchheutern der rechtglaubigē  
sagt das sie werde wenen sie thüen gott ainen dienst daran. Welcher  
aber dar für wölt haben das mann vñ mynen Worten möcht nemen  
das der wücher den iuden nit sünd were/darum das sie in nit für sünd  
hielten/der were ain ungeletter grober logicus:

Item volgt inn dem latin daruff/Vnnd also hat es des gleichen  
ain ansehen/das sie darumb auch nit haben sollichen Thalmud der  
wider vnns sy/darmit sie vnns wösten vñ fürsatz schaden thun. Dar  
auf mag nieman verston/er wölt mir dan alle meine redē gern vnß  
wenden vnnd verkern/das der thalmud ann denenn orten da er miß  
hendel vnnd übeltatten inn sunderhait wider vnns inhalt/nit mög  
den iuden genommen vnnd sie darumb nit gestrafft werden/ sunder  
das wider spil ist darlich daruß zü nemen/dan ich hon gesagt das  
sie zü straffen sind darumb das sie wüchern/ob sie es gleich nit vnns  
zü wider sunder vnns zü dienst theten/vnnd maintent sie theten vnns  
ain gefallens darab/vnd also hat es des gleiche hie ain ansehen/etc.  
Vnd wie ich oben gesagt hab villeicht/also sag ich hie es hab ain an-  
sehen/dan es ist vñ vñ syten nit gewiß. Sie mögen wol etlich thal-  
mud haben die kainen sundern schmach noch kezeri halten/vñ dan  
nocht von vnfers glaubes wegen wider vns sünd/das hab ich nie ge-  
lögnet/aber ob sie die mit willen vnd fürsatz/sunderlich wider vns zü  
gebruchen/oder aber allain ir alt herkommen des synagogischen we-  
sens vnnd glaubes/darum sie bis her von der kirchen gedult sind zü  
handhaben vnnd zü behalten gemache haben/das ist mir nit so ge-  
wiß das ich daruff in pynlichen rechte künd oder mög ain endvrtail  
verfassen vnnd vñ sprechen. So hat auch weder Johann Picus den  
mir ainer möcht für werffen/noch kait annderer lerer myns wissens  
nie geschrieben das der ganz thalmud an allen orten/auch alle bücher

die man nennt thalmud/ im sunderhait wider vnns gemacht syen/  
wie wolich vermittlung vnd arckwon an elichen büchern des thal  
muds/ mit vß gelöft haben wil. Vnd ob etwas mer dan ich yetz ange  
rege hab im obgemeltem mynem ratschlag disputatio oder schriftte  
won mir vßgangen gefunden wüde/ das ainem der es liße nit ganz  
lauter syn wöle/ des er ainem güten sin versten möche/ der soll darnit  
syn selbs seelen schaden verhüten/ vmd darumb dasselbig vmb brü  
derlicher liebe willen dar zu vns die euangelisch oberkeit verbinde in  
kein böß wenden sunder bedencke dz die hailig schrift sagt. Keinen  
herze sind alle ding rain/ vñ sol gegē mir alweg des vertruwes syn dz  
ich nit hab wöllen etwas zu schmelierung cristenlichs glaubes schri  
ben/ sunder zu vffenthaltung vnd meering der cristenhait bereit bin  
alls ain warer güter crist myn blüt zu vergiffen. Des halb myn mai  
nung ist die blinden vmd verstoppten iuden mit gütekeit vmd ver  
miffte vß iren aigen vniuerworffen büchern zu bekeren/ das sie die vn  
warhait irs glaubes verlasen vnd die recht warhait vnser glaubes  
nit vß erschrockenlicher forcht zwäg oder trang sunder allain vmb  
gottes vnd irer seel hail willen annehmen. Vnd deshalb bit ich all  
vmd yeglich frum erber leut/ sie wöllen dem getaufftem iudem ge  
nant Pfefferkorn noch yemants amders von seinert wegem wider  
mich keinen glauben geben/ dann ich hab vor vmd yetz mit ganzer  
warhait offentlich an tag gelegt was er für ain man ist/ nemlich der  
ainen sunden lust hat zu liegen/ als er auch nechst nach myner gnüg  
samen verantwurtung abermals mit ainē vß schreiben vnierschēp  
gelogen hat/ da er sagt die sach zwischen vnns baiden sy im gütem  
vffgehap/ vnd mit gebot besridet/ vnd zu eneliche rechtspruch gegen  
ainader vertragē ꝛc. Das ist alles nit war/ ich waif aber wol wo hin  
er mit seiner sach gehört/ vnd das syne notorie offentlich mißhandel  
aines amndern gerichtis werdt sind. Ich will aber nichts destminder  
in vnd ainem yeglichen gern rechtes sin vmb des vnd alles das er zu  
mir zesprechen hat/ dar by het er mich anfangs billich lassen be'ybe.  
Dem allen nach ob ainer bissher ab mynem wort: e oder schriftten vß  
vnröffenhait des latins mit sampt mynem ratschlag im dem Augen  
spietel vormals außgangen/ oder sunst wie das were vß klainmüt g  
keit sich selbs geergert het/ der wölle sich ab myner erclerung in tütisch

gesetzt bessert, die ich mit dē latyn dan zū mal hab wollen lassen truck  
en/ Das aber kürze halb der zeit dem trucker an gelegen/ nit hat mögen  
syn biß yetzund/ dann ich die darūß frei williglich vnnnd gern eroffnet  
hab/ das man erkennen mög meinen willen vnnnd fürsatz alweggen ge  
wesen vnnnd noch sein/ im meinem ratschlag vnnnd sunst/ nit anders  
zū glauben/ dan wie die cristenlich kirch glaubt. Darumb ich obgenā  
ter Johannes Keitchlin im kaiserlichen rechten doctor/ ergib vnnnd  
vnderwū: ff diese meine schrifften vnserm aller hailigsten vatter dem  
papist/ vnnnd allen denen die deshalb gewalt haben vatterlich/ vnd in  
früderlicher liebe zelesen/ zū corrigiam/ vnnnd zū bessern. Dann ich be  
rait bin ainen iedem der es bas verstat mich weissen zū lassen/ des ich  
mich auch hie mit erbotten haben will. Geben am xxij. tag des martz  
en/ im fünffzehen hundert vnnnd zwölfften iar.

Faint, illegible text, likely bleed-through from the reverse side of the page.

